

349
73



QUÆSTIO MEDICA,
QUODLIBETARIIS DISPUTATIONIBUS
MANE DISCUTIENDA
IN SCHOLIS MEDICORUM,



die Jovis septimâ Aprilis 1712.

M. JOANNE BAPTISTA CHOMEL
Confiliario & Medico Regis ordinario, Regiæ scien-
tiarum Academiæ socio, Doctore Medico, Præside.

An variolis malè erumpentibus pulvis viperinus?

I-

VARIOLÆ formæ dedecus, puellis præsertim infensæ, & matribus
detestatæ, quâlibet anni tempestate grassantur, vere potissimum & au-
tumno efflorescunt, infantibus & pueris magis quam adultis familia-
res, nulli tamen ætati parcunt; exiguæ sunt pustulæ, exuberantes, fastigiatæ,
primum rubræ deinde pallidulæ & saniosæ. Deteriores sunt plures paucioribus,
maiores minoribus, duræ mollioribus, intercutaneæ prominentibus, fuscæ
rubris & candidis. Non prius erumpunt quin omnes totius fere corporis partes
male afficiantur; cerebrum sopor occupat, sponte manant per genas lacrimæ
rubore vultus suffunditur, amarescit lingua, ventriculus languet, recurrit
nausea, vomitus urget, tussis inanis quatit, difficilis crebraque sit respiratio,
febris incenditur, artus denique omnes immeriti lassitudine gravantur: hæc
vel pauciora variolarum eruptioni anteveniunt & assident Symptomata mi-
nantur perniciem, totum opus satagenti naturæ committerdum, quam præ-
sidia importunè oblata impedirent potius quam expedirent; si tamen huic
muneri impar illa sit, si minus vegetæ sint vires, metusque oppressionis im-
perdeat, tum ea proderit adhibere quæ sanguinis, ad instar multi bullientis
suas veluti sordes ad superficiem amandantis, vividos conatus possunt pro-
movere.

UT succos omnes è plantarum partibus expressos, sic sanguinem semel in vitam sponte fermentescere, quasdamque fæces secernere ac deponere necesse est: hinc fatum ineluctabile quod homines penè omnes variolis jussit esse obnoxios, paucissimos sinit esse tutos: contagiosus quippe morbus ille, hujus est indolis ut inexpertos inficiat facillimè, quod fieri amat levissimum apparatus, per tetta scilicet effluvia ab ægrotantium sanguine manantia. Συμείστως hujus, ut nec aliarum quæ in corpore fiunt nusquam solus incusandus calor: calidum & frigidum facultates sunt omnium minime potestates. Fermentationem illam inducunt plurimi non unius generis & genii succi quibus sanguis turget, acidus nempe, austerus, acerbus, amarus, & similes amico durabilique nexu jungi nequeunt, quin suis mutuò viribus retusis se se invicem penitus subiverint; cum ritè temperati sunt & permixti, tunc nec conspicui sunt, nec hominem lædunt: ubi vero ex illis unus ab aliis secretus fuerit, nec amplius mixtus per minima, tunc & conspicuus est & hominem lædit; hunc solitarium succum humoremve ab aliis secretum, eliminare satagit natura, mox per urinas, vel per alvum, modo per vomitum vel per cæca cutis spiracula, ipsi hoc in nist nullam præstat opem prudens Medicus cum eam certo scit fore facile victicem, ubi dubium est certamen auxiliares mittit copias; hinc in variolis ægrè erumpentibus eligit præsidia quæ dictum fervorem, fæces sanguinis ad cutim ablegantem, promovent, fermentique venenum, si quod sit, extinguunt: hujus ordinis sunt Diaphoretica præsertimque viperarum pulvis.

III.

INTER serpentes vipera nobilis quod vivos fatus pariat suum habuit nomen. Plures ad menses potest sine cibo vitam protrahere, quem etiam oblatum, ubi semel capta est ut plurimum respuit, uno quoque anno bis venere utitur. quatuor aut quinque menses utero gerit, catulos edit viginti vel etiam plures, successive uteri orificio exeuntes, horum ex umbilico dependet involucrium quod mater linguâ suâ paulatim divellit. Verno tempore quandòque etiam autumnò, veterem cutim, quam senectam dicunt exiit, novaque prius latitans conspicua fit, depositâ multo splendidior. Hyeme non subit terræ cavernas ut solent serpentes ceteri, sed inter saxa in arboribus ipsis absconditur nulla sui parte venenum est, imò tota Toxicorum Antidotus, vulnus ejus innocuum nisi succus ad radicem dentis latitans immediate in sanguinem infundatur: carnes elixæ præcipuas relinquunt in jure vires, quas crudæ continebant Trochisci ex his veterum arte parati parum utiles, sal quoque eorum industria confectum, exiguas habet vires, aut eas viperis non debet. Elegantiùs nunc paratur pulvis ex truncis expoliatis, forficibus capite & cauda præcisus, rejectis interaneis omnibus præter cor & Hepar, quæ unâ cum trunco primum aquâ simplici, dein albo vino pluries lavantur, linteo mundè terguntur in umbrâ siccantur, tum demum in frustula scinduntur, teruntur in mortario & cribro trajiciuntur. Hic pulvis insignes habet virtutes, venenis omnibus acidis obfistit ac præsertim sanguinis sordes suas ad cutim ægrè propellenti subvenit,

MIRABILES viperarum vires à pluribus retrò sæculis Medici unæ voce confessi sunt, eas corpus per cutim purgare, veneraque plurima vel intus spontè genita, vel foris immissa, profligare, experientia docuit. tot beneficiorum causâ antè politio rem Chymiam non adeo manifesta. Hujus celeberrimæ artis ministerio non parum illustratur Medicina, mixtorum principia oculis ipsis subji ciuntur, quod in uno quoque simplici medicamento utile est ab inut ili vel noxio se cernitur, proindeque unde nam suas hauriat vires, palam sit omnibus. Hac arte scilicet in viperâ rectè distillatâ repertiuntur terra Phlegma, spiritus, oleum, sal duplex, fixum & volatile: terra ad medendum prorsus inutilis ut & Phlegma; spiritus pars est salis volatilis Phlegmatis portione dissoluta; oleum illitum extrinsecus prodest pluribus in morbis, eoque magis quò minus sale volatili destitutum est; sal fixum paucissimum est, acre & mordax ut & sãlia ejusdem generis; sal volatile plurimum, omnium medicamentorum sive natura sive arte paratorum nobilissimum, inde insignes surgunt tum carnis tum pulveris viperini vires: spiritibus quibus abundat sanguis analogum est, hos recreat, reficit, & nism quo noxia quæque conantur anoliri, corroborat: intimas corporis partes subit celerrimum, luminis instar, oclulas venarum scaturigines, coherentes meatus, concretosque humores momento dissolut, noxiosque non solum per cutis spiracula, verum etiam per urinas, alvum, & cetera corporis emunctoria pro vario impellentis naturæ conatu eliminat; qui ipsius alas rescindere contendunt & humi affigere, ne tepues in auras abeat, vel ne odore suo nares acrius feriat, disperdunt ejus volatiles & æthereas vires: illud vero quovis acido spiritu destruitur, cum calce concrefcit in lapidem, nusquam præstantius & magis ef ficax quam cum solum.

V.

DIFFICILIUS erumpentibus variolis viperinum pulverem exhibere semper & ubique tutum, laboranti naturæ succurrit, cutim quândòque contractam & duram laxat & emollit, veneni si quod sit, vires infringit, à quo principis corporis partes vindicat. Sale volatili puro & à cæteris viperæ principis expedito hoc in affectu præstantior, quod non vehementius quam par sit sanguinis effluxu extollat: hoc nempe in morbo cavendum ne sanguis ebulliens nimium assurgat, vel ex congestis imprudenter stragulis, vel ex ambiens aeris nimio calore, vel ex medicamentis concitatio rem motum in sanguinem inducentibus, quale foret viperinum sal: ab his præsertim caveas ubi æger in ætatis flore consistit, vel sanguinem habet fervidiorem, vel anni tempestas verna est, aut ultra ætatem non producta: hinc scilicet sordium eliminatio quæ sensim certisque gradibus promoveri debet, præcipiti nimium cursu ferretur, sic enim fieret ut non nullæ partes ad exilium damnerentur, quas natura nusquam prescriberet, nisi ultrâ debitos limites excurrere cogeretur. Efferventem nimis sanguinem sive spontè sive medicamentis intempestivè exhibitis sedabit venæ sectio, semel iterumve vel pluries, si opus fuerit celebrata tum ne vasa disrumpantur, tum ne æger ferocientis sanguinis copia suffocetur

at dum errorem unum vitat Medicus, cave ne currat in contrarium, exhibens remedia quæ sanguinem inspissare, ejusque salutare motus prostratis sistere valeant. ibis quippe medio tutissimus, nec detrahendæ naturæ vires nec adaugendæ, ubi satis validæ sunt, sed ipsi difficilius sordes secernenti mitioribus Diaphoreticis, præsertimque pulvere viperino prudenter opitulandum.

Ergo variolis malè erumpentibus pulvis viperinus.

Domini Doctores disputaturi.

M. Ludovicus Guillet.

M. Philippus Fontaine.

M. Amandus Daut Serenissima Ducissa Biturica Medicus primarius.

M. Joannes Bapt Firmelhus in Regiâ Artium Academiâ Consiliarius honoratus.

M. Antonius Pepin, Professor Scholarum.

M. Franciscus Gouel.

M. Joannes Depiney Peshard, Scholarum Professor.

M. Petrus Azevedo rei herbaria Professor.

M. Nicolaus Brunel de la Carliere Consiliarius & Medicus Regis ordinarius & Serenissimi Ducis Biturici Medicus primarius.

Proponēbat Parisiis ANTONIUS DE JUSSIEU Lugdunæus, in horto Regio Parisiensi Botanices Professor Regius & Baccalaureus Medicus. A. R. S. H. 1712.

Apud Viduam Francisci Muguet, Regis & Facultatis Medicinæ Typog. 1712.